

RECIT
 VERITABLE
 DE LA
 REDVCTION

DV MAS-DE-VERDVN,
 de l'Isle en Iourdain, & de Mauvoizin
 au seruice du Roy.

*Par Messieurs le Duc de Mayenne,
 et Marechal de Themines.*

Le 27. & 28. Iuillet dernier.



A PARIS,
 Chez ABRAHAM SAVGRAIN, 1621.

Avec Permission.

21.12.12

CASE

F

39

326

NO

16212y


NOV 11 1912

RECEIVED

RECEIVED

RECEIVED


RECEIVED



LIBRARY

UNIVERSITY OF CAMBRIDGE

LIBRARY



RECIT VERITABLE
de la Reduction du Mas de-
Verdun, de l'Isle en Tourdain,
& de Mauvoisin au service du
Roy, par la diligence de Mes-
sieurs le Duc de Mayenne, et
Mareschal de Themines.



MONSEIGNEUR
le Duc de Mayenne
dont la fidelité & la
valeur sont si recô-
mandables, depuis la reductiô
de Nerac a recherché tant de
de moyens pour augmenter sa
diligence au service du Roy,
qu'ayant fait environner le ad-
venues de la ville de Montau-
ban, du tour soubconnée de re-

bellion, par vne partie de ses troupes: Il a iugé qu'il estoit encores necessaire de veiller aux occurences, qui pourroient arriuer, & aux secours que pourroient auoir ces rebelles: de maniere que sur les aduis qu'il receut qu'es places cy-apres nomées, sçauoir, au Mas de-Verdu, à Lisle en Iourdain, & à Mauuaisin, il s'estoit retiré quelques gens de guerre, à dessein de secourir la rebellion de Montauban, il le fist assauior en mesme temps à Monsieur le Mareschal de Themines, lequel aussi tost preuent aux inconueniens qui en peuuent arriuer, & & par sa diligence, donna si bon ordre à cet affaire qu'il en est arriué vn succez grandemēs

aduantageux pour le Roy.

Ces trois Places sont d'importance, & meritent bien la preuoyance d'un grand Capitaine, pour les reduire à l'obeïssance du Roy, estant toutes trois assez bien assises; & munies d'autre part suffisamment: C'est pourquoy ledit sieur de Theminas voulu monstrier, combien il estoit porté au seruice de sa Majesté, & avec combien d'affection, en donnant aduis à Messieurs de Thoulouze, qui ne repugnent rien tant que la desobeïssance, & les partialitez qui se sont exercées depuis quelque temps, & qui s'exercent encores impunément, tant en la Prouince de Gascongne, qu'en Languedoc: Au moyen duquel

aduis , ils ont tesmoigné la sincerité de leur affection , & l'ont assisté , de tout ce qui estoit nécessaire pour reduire lesdictes trois places à l'obeissance de sadite Majesté : si bien que le cōplot ayant esté pris pour les investir , l'on monstra à ces refugiez qu'il falloit se rendre , ou creuer , sans aucune esperance de pardon , Et de telle sorte que cinq mille hommes furent mis autour , qui ne demandoient & ne souhaitoient autre chose que d'executer les justes commandements qui leur auoient esté faicts , tant par mondit sieur le Duc de Mayenne , que par mondit sieur le Marechal de Themines.

Ce que voyant les assiegez , ils

voulurent feindre de soustenir,
pour esprouuer de quelle sorte
on les vouloit traiter: Mais leurs
feintes leur seruirent fort peu,
car les troupes s'estant appro-
chees, on voulut donner dedàs,
& à quelque prix que ce fust s'y
rendre maistres: Au moyen de-
quoy chacun de son costé de-
manda composition, qui leur
fut fauorablement octroyee, en
consideration de ce qu'ils n'a-
uoient permis que l'on y me-
nast le Canon.

Cecy traicté à l'amiable, les
Soldats sortirent bagues sauues,
& au lieu d'eux entrèrent les
troupes de Mondit sieur le
Duc de Mayenne, qui ont
donné sibon ordre, & auec tant
de fidelité, que les Habitans s'e-

stiment maintenant tous affran-
chis de la tyrannie, & ne prote-
stent plus rien en leurs conscien-
ces qu'une fidelité parfaite pour
le service du Roy.

Ces reductions faites, mondit
sieur de Mayenne le manda au
Roy qui estoit pour lors devant
Clerac, ville rebelle, & pressée
pourtant de se rendre: dont sa
Majesté en receut un extreme
contentement, & pour luy tes-
moigner cōbien il approuvoit
ses actions, elle luy fist assavoir,
que puis qu'il auoit tant fait en
peu de iours, qu'il se rafraichit
un peu, en attendant que sa vo-
lonté, & son loisir le porteroit
pour le joindre, & pour aller en
personne devant Montauban.

